

DEO OPT. MAX. VNI ET TRINO, VIRGINI DEIPARÆ, ET S. LVCE ORTHODOX. MEDICORVM PATRONO.

QVÆSTIO MEDICA.  
QVODLIBETARIIS DISPVATIONIBVS MANE DISCVTIENDA  
IN SCHOLIS MEDICORVM, DIE IOVIS XXIII. IAN.  
M. ANTONIO MORAND, Doctore Medico, Moderatore.

*An Pueri acutè laborantibus Vena Sectio?*

74

**C**ERTIS quia labuntur, velis nolis, cuncta temporibus, nihil semper floret, ætas succedit ætati, & vt in vitam, sic in mortem per vices itur: An propterea cogitatio in pectus tuum descendet, tantas istas mutationes perspectis annorum spatijs definiri, notisque posse limitibus coerceri? lex id vetat Apollinea, vt sit ætas id vitæ curriculum quo iuculenter corporis temperamentum per se suæque sponte mutatur. Lucis ingressu ex semine & sanguine conflatus & conglutinator homo, & humidissimus & calidissimus manifestè deprehenditur, sicque principiorum naturam redolere necessum est, cum ex humida calidaque substantia corpus eius oriatur, hinc quod vnumquodque generationi suæ vicinius est, eò humidius & calidius, vti quantum ei in vitæ finem declinandum sit, tantum & siccitate contabescat; tum ignis virtute partes humidas exsicantis, cum assiduâ caloris actione humidum absorbentis; Nolim tamen existimes princeps animi, primis ineuntis infantie aut pueritie diebus & annis, debuisse cæteras ætates aut firmitate corporis, aut animi robore superare.

**S**I constet inter omnes, Pueros facultatis naturalis munere Iuuenibus antecire, quod abundant, vt in lucem editi sunt, genuino nectare & ingenti calore, quantoque perfectiora fuerint eorum opera, tanto calor & humidus vim atque substantiam vberiore adesse, vnde, amabò, omni licet ætate omnes homines in morbos incidant, Puerili gravissimis afficiantur & acutissimis, qui cum magnitudine & vehementia celeriter sua percurrunt tempora, sævisissimæque symptomatis ingruere solent, ijsque mortiferis vrgentur? Res ipsa loquitur, facile calida humidaque corpora putrescunt, cum insitus eorum calor imminuitur, partesque corporis inter se dissident: Et vbi sanguis corruptus est, ex quo pravitas omnis, aut citra labem is incaluit, tot morbis & ægrotationibus vndique circumfunduntur, vt cogit constantium hominum nemo, non filicernium, quibus possit artibus repuerascere; præstat eos iustis vivendi legibus continere, & vbi contenta nocent, interiores acutorum morborum causæ, evacuationem accedere, quæ noxiorum est expulso.

**Q**UOD alienum est, quia Naturæ molestum, id ipsum & Ars iubet extrahere radicis, nec alijs in eam rem potissimum machinas adhibet, quam aut venæ Sectionem aut Purgationem, vt sublati causis opprimentibus, vires ilico resurgant, quæ alijs affectionis diuturnitate conciderent: At perit est artificis morbi vim & substantiam demere viribus quam fieri potest, minimum oblati, tunc enim Natura noxiorum humorum onere levata, in pristinum statum restituitur: cumque Puerorum ætas, in qua humanum genus spes atque opes suas omnes collocat, virium substantiâ præ cæteris abundet, & ætate senili, quæ & frigidissima & siccissima est, quotiescumque gravi Peripneumoniâ, vel pungente Pleuritide torquetur, vtiliter sanguis effunditur, potiori iure carnosus Pueri & liberaliter educati, quibus venæ sanguine distenduntur, quam mox sectâ venâ seruabuntur, sic Febres omnes, antequam sanguis exvrat, aut putredo latius diffundatur, & obsecrè serpens medullitus in eorum corporibus insideat, generosissimo præsidio penitus extingues, quo vitam ad extremum senium integrâ & incorruptâ sanitate ducant.

**A**RTIS præstantissimæ tam antiquum & humanum opus est Venæ Sectio, sine cuius adminiculo vix Purgatio decernitur, vt tibi non congruat habere religioni, cui propensior benignitas esse debet in calamitosos, si diobolaris Hamophobus prætoletur in omnibus morbis vel etiam acutissimis, dum signa coctionis eluceant, ipso statim initio, qui sanctioris disciplinæ iura calles, venam exolve; vbi enim plenitudinem exemeris, quæ malis ansam dedit, & quæ miseris ægrotantes in vitæ perniciem deduxit, in vado res erit. Et quoniam in Arte nostra cunctari periculosum, dum insulsus Seplasiarius animum & prudentiam perpetuum despondet, ignarus quid virtus valeat, aude constanter quæ sapientis consilium postulet, interest enim non quæ ætas sit, neque quid in corpore intus geratur, sed quæ vires sint, firmus Puer & robustus senex & gravida mulier valens, sectâ venâ curantur, multisque nominibus Sanguinis missio tum purganti medicamento, cum subsidij de more sequacibus præstabit, ne temerè subscribas iis qui candenti ferro tenellorum infantium occipitium advrun, qui à morbis puerilibus vindicentur.

**M**IRABILITER in omni pura vel impura Pleititudine intercisa vena succurrit, nec homo toto vitæ decursu frequentius se cibis ingurgitat quam cum in teneris est, vt immensam tunc eius gulam diceret. Suis viribus & adeo validis nititur hæc ætas, vt sponte naturæ Pueris etiam nestendibus sanguis interdum abundè prodeat è naribus non importato corpusculis detrimento. Ergo si prava quædam corporis affectio qualis est Inflammatio, Iecur, Cerebrum, partesque Cordi connexas occupavit, vt gravis inde concitetur agitatio, languidior evadat appetentia, sitis enecet, dolor excruciet, somno omnium laborum & solitudinum perfugio privetur æger, Morbillorum & Variolarum insatiabilis crudelitas, intolerabilis fœditas & immanis audacia deterreat, lactumen deturpet, macie corpus extabescat, vrat intertrigo, typhus incurrat, ardens febris extorreat, inordinatè vaga redeat, stata remittat, querquera quatiat, synochus vrgat, morbus Puerilis in cruciatum insiliat, solstitialis sævicia gliscat, nervus & musculi convellantur, sæva Phrenitis rabiem effundat, Apoplexia terribili veluti iactu fulminis percellat, capitis ardor impetat, strangulet Angina, acerbissimus aurium cruciatus exanimet, lateris dolor consumat, renes doleant, dirisque torminum affectus vires prosternat & fundat, venam absconde, nec iustioribus armis, innumeras tristis Morboniæ cohortes quæ Pueris imminet, exarmabis.

*Ergo Pueri acutè laborantibus Vena Sectio.*

Proponebat Lutetiæ STEPHANVS BACHOT, Senonicus, A. R. S. H. M. DC. XLVIII.  
DOMINI DOCTORES DISPVATVRI.

M. Ioannes de Saint-Ton.  
M. Petrus Regnier.  
M. Ioannes Hamon.

M. Ioannes Maurin.  
M. Iacobus duVal.  
M. Simon Boulor.

M. Franciscus Mandar.  
M. Claudius Lienard.  
M. Renatus Moreau Proff. Regius.

